

Syria is no longer Syriac and Lebanon no longer Canaanite

إلى إخواننا السريان والكنعانيين (مسيحية لبنان) ومنهم القوميين السوريين والقوميين اللبنانيين،
حول سوريا ولبنان،

سوريا كانت سريانية (ومش كلها، شمال شرقها: جنوبها كان آرامي واختلطت التسمية الآرامية بالسريانية بسبب العامل اللغوي، وشمال غربها كان كنعاني وإن بتسميات محلية إبلوية / أمورية / يحاضية / حموية / أو غاريتية، وكنعاني عن حق وحقيق بطرطوس، وجنوب شرقها بالبادية كان عربي...). بس النقطة مش هون. النقطة هي إنو اليوم الشعب تغير من ١٤٠٠ سنة وصار مسلم. بالقوة أو بيّلي بدكن، صار مسلم. ٩٠ - ٩٥٪ منو أقله.

فإذا سلمنا إنو سوريا كانت سريانية، سوريا اليوم مش سريانية. الارض السورية بقيت.

السريان صاروا أقلية وتقريباً اضمحلوا. وكمان باقي المسيحيين (الكنعانيين وشبهه - الكنعانيين والأراميين).

ما تفهموني غلط إنو أنا ضد سوريا لا سمح الله، هالشي بينطبق ع العراق ومصر وفلسطين والأردن والسعودية وكل الدول الاسلامية، وزيدوا فوقن عالقسم من لبنان يلي الإسلام أغلبية فيه.

من هون حتى لبنان مش كنعاني (يعني مش فينيقي، "فينيقي" هي التسمية اليونانية للشعب الكنعاني). لبنان أصله كنعاني، بمعنى كانت هوية سكانه كنعانية. اليوم شقفة منه بعدها كنعانية وشقفة بطلت. الأرض اللبنانية بقيت، الكنعانيين صاروا قسم من السكان. القسم الثاني من السكان كanaan كنعاني. وإلا طيب شو هي التعددية؟

فرق بين A هوي B، و A أصله، أو كان، B.

أنا مش مبسوط كون عمبكتبلن هالشي بس هيدا واقع. وزيادة للكنعانيين يلي حماسن زايد، ومنن إخواننا القوميين اللبنانيين، انتبهوا، لان ترجمة "لبنان (اليوم) كنعاني" لمشروع سياسي يعني فرض لبنان على طريقتنا ع كل سكانه ورفض الاعتراف بالتعددية ومشروع حرب جديدة مع الطرف المسلم يلي بي طرح بالمقابل مثلاً "لبنان عربي".